

Sarkina Bt Mat Saad @ Shaari

From: Unit Komunikasi Korporat
Sent: Wednesday, October 10, 2018 10:07 AM
To: UUM - All Staff; UUM - All Students
Subject: Mahasiswa UUM Dapat Tajaan Penuh Maybank



Unit Komunikasi Korporat
CORPORATE COMMUNICATION UNIT
Universiti Utara Malaysia

10 OKTOBER 2018 / 01 SAFAR 1440H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen media

MAHASISWA UUM DAPAT TAJAAN PENUH MAYBANK



UUM ONLINE: Dua pelajar UUM College of Bussiness (UUM COB) terpilih menerima tajaan penuh Maybank bagi mengikuti praktikum di salah satu Cawangan Maybank di seluruh ASEAN.

Mereka terdiri daripada pelajar Sarjana Muda Perakaunan, Muhammad Ridhwan Othman dan Yap Jia Hui.

Menurut Muhammad Ridhwan, pemilihan ini dibuat melalui program *Maybank Impact Challenge* yang menghimpunkan 150 pelajar tahun akhir UUM COB anjuran Pejabat

Pembangunan Pelajar dan Alumni, (PPA COB) dan Maybank, di Dewan Seminar C, STML dan dewan kuliah sekitar, baru-baru ini.

“Saya sama sekali tidak menyangka akan terpilih menyertai program ini, ujian amat sukar dan peserta hebat-hebat belaka dengan menyaksikan saingan cukup sengit.

“Ini kali pertama saya hadapi cabaran sebegini sukar yang betul-betul paksa kita untuk faham sesuatu perkara.

“Yang mencabarnya kita perlu buat banyak perkara dalam satu masa maknanya kita perlu buat keputusan untuk tiga perkara yang berbeza yang mana ketiga-tiga perkara itu penting untuk membawa kemenangan kepada kumpulan,” katanya.

Ujarnya, cabaran yang diberikan berkaitan dengan dunia luar perkara yang benar-benar berlaku di dunia sekali gus memberi lebih pendedahan sebagai bekalan dan persediaan untuk menghadapi dunia luar.

“Saya bersyukur berpeluang menyertai program berharga dan inilah hasil daripada latihan dan *leadership programme* yang saya sertai sepanjang menjadi ahli Beta Gamma Sigma,” ujarnya yang aktif dalam kelab NOVAC.

Sementara itu, Dekan PPA COB, Prof. Madya Dr. Hendrik Lamsali berkata, program itu bertujuan mengetengahkan kepintaran dan kemahiran serta mencari mahasiswa yang menepati ciri-ciri holistik sebagai pemimpin masa hadapan.

“Mereka berjaya melepasi tiga cabaran utama, setiap daripada cabaran tersebut dipecahkan dengan pelbagai ujian termasuk kecerdasan berfikir, berinteraksi secara spontan dan ketahanan mental,” tambahnya.

Beliau turut berbesar hati dan mengucapkan tahniah atas kejayaan mereka untuk menimba pengalaman terbaik.

“Peluang untuk menjadi sebahagian daripada pasukan Maybank bukanlah sesuatu yang mudah dan peserta harus menggunakan peluang dengan bijaksana dan mempelajari ilmu sebanyak mungkin untuk manfaat di kemudian hari,” ujarnya.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.